



Republika e Kosovës
Republika Kosova-Republic of Kosovo
Qeveria –Vlada-Government

Ministria e Arsimit, Shkencës, Teknologjisë dhe Inovacionit
Ministarstvo Obrazovanja, Nauke, Tehnologije i Inovacije
Ministry of Education, Science, Technology and Innovation

Ministria e Arsimit, Shkencës, Teknologjisë dhe Inovacionit (MASHTI), bazuar në Ligjin 02/L-67 për botimin e teksteve shkollore dhe mjeteve mësimore, Vendimin nr. 01B-058 të datës 02.06.2023 dhe vendimin nr. 01B-061 të datës 07.06.2023 për hapjen e konkursit për tekste shkollore të gjuhës angleze për klasën parafillor dhe klasat (I-XII).

SHPALL

Fusha kurrikulare	Lënda	Teksti shkollor/materiali mësimor	Klasat
Gjuhë dhe komunikim	Gjuhë angleze	Gjuhë angleze	Parafillor dhe I-XII

1. KRITERET E APLIKIMIT DHE PËRZGJEDHJES

Çdo tekst vlerësohet për t'u siguruar që kërkesat themelore janë plotësuar dhe se janë në përputhshmëri me legjislacionin në fuqi dhe dokumentet e mëposhtme:

1. Ligjin për botimin e teksteve shkollore, mjeteve mësimore, lektyrës shkollore dhe të dokumentacionit pedagogjik.
2. Kornizën Kurrikulare të Kosovës.
3. Kurrikulat bërthamë:
 - 3.1 Për arsimin fillor, të mesëm të ulët dhe të mesëm të lartë.
4. Planprogramet lëndore.
5. Standardi për tekste shkollore për gjuhët e huaja.
6. Korniza evropiane e gjuhëve.

Tekstet të cilat nuk janë në përputhje me legjislacionin në fuqi dhe dokumentet e lartpërmendura, nuk pranohen.

2. KËRKESA TË PËRGJITHSHME PËR TEKSTET

- 2.1. Tekstet duhet të përmbajnë referenca për të dhënat dhe burimet e informacionit që përmban teksti.
- 2.2. Ilustrimet, fotografitë, tabelat, grafikonet dhe lehtësuesit e tjerë pamorë të njësive mësimore duhet të jenë kualitative, të kenë rezolucion të mirë, të jenë relevante për njësinë mësimore dhe moshën e nxënësve, të jenë origjinale, jo diskriminuese dhe jo paragjyquese si dhe në përputhje me kontekstin kulturor të Kosovës.
- 2.3. Dëshmi për të drejtat e autorit për shitje apo/dhe distribuim të botuesit të huaj, në Republikën e Kosovës.

3. KËRKESA TË VEÇANTA PËR TEKSTET

- 3.1. Teksti shkollor duhet të jetë i përshtatshëm me qëllimet edukative-arsimore dhe kompetencat e parapara me Kornizën kurrikulare për arsimin parauniversitar.
- 3.2. Teksti shkollor duhet të jetë në përputhje me planin dhe programin mësimor.
- 3.3. Teksti shkollor duhet të jetë në funksion të zotërimit të njohurive, shkathtësive dhe rezultateve të nxënësve të parapara për lëndën dhe klasën përkatëse.
- 3.4. Teksti shkollor duhet të ofrojë përmbajtje në përputhje me të arriturat bashkëkohore të fushës së caktuar shkencore, metodologjinë e mësimin të lëndëve dhe përdorimin e terminologjisë profesionale.
- 3.5. Teksti shkollor nxit të menduarit aktiv, kritik dhe kreativ të nxënësve.
- 3.6. Aparatura didaktike e tekstit shkollor duhet të jetë në përputhje me kërkesat bashkëkohore për të nxënësve aktiv, kritik dhe kreativ.
- 3.7. Teksti shkollor përmban fjalor për interpretim të fjalëve dhe koncepteve të panjohura.
- 3.8. Teksti shkollor i përshtatet moshës dhe karakteristikave zhvillimore të nxënësve.
- 3.9. Teksti shkollor ka funksion edukativ, që nxit raportin pozitiv ndaj shkencës/diturisë, zhvillimit të identitetit nacional, qytetar e kulturor dhe që promovon barazinë shoqërore.
- 3.10. Teksti shkollor respekton barazinë shoqërore, nuk përmban stereotipet dhe nuk përdor gjuhë diskriminuese.

4. PROCEDURA E APLIKIMIT

Faza e aplikimit është e hapur për Shtëpitë botuese sipas kërkesave dhe procedurave të paraqitura në këtë konkurs.

Paketa e aplikimit duhet të përfshijë dokumentet e mëposhtme:

- 4.1. Tekstet në 4 (katër) kopje fizike të shtypur me ngjyrë dhe në kopje elektronike USB/CD në formatin PDF ose WORD;
- 4.2. Formulari i aplikimit i plotësuar nga Shtëpia botuese (Formulari i ofruar së bashku me këtë konkurs mund të shkarkohet nga uebfaqja e MASHTI);
- 4.3. Deklaratën nën betim – e nënshkruar dhe e vulosur;
- 4.4. Vërtetimin nga Administrata Tatimore;
- 4.5. Vërtetimin nga Gjykata themelore;
- 4.6. Certifikatën e regjistrimit të biznesit;

4.7. Regjistrimin e numrit fiskal;

4.8. Dëshmi për të drejtat e autorit për shitje apo/dhe distribuim të botuesit të huaj, në Republikën e Kosovës;

4.9. Regjistrimin e TVSH-së.

Paketa e aplikimit duhet të dorëzohet fizikisht. Dorëzimi bëhet në MASHTI në zyrën e arkivit dhe protokollohen deri më 21 qershor, jo më vonë se në orën 16:00.

Tekstet duhet të jenë të mbyllura në zarf. Shtëpia botuese mund të konkurrojë me tekstet e klasës parafillor dhe klasat I-XII.

Aplikacionet të cilat nuk i përmbajnë dokumentet e mësipërme, si dhe tekstet që nuk janë në përputhje me dokumentet e përcaktuara në pikën (2), me kërkesat e përcaktuara me pikat (3), (4) dhe të këtij konkursi, nuk do të shqyrtohen.

5. FAZAT E PËRZGJEDHJES SË TEKSTEVE TË HUAJA

Përzgjedhja e teksteve zhvillohet në dy faza:

1. Vlerësimi i tekstit
2. Vendimi për botim të tekstit.